



SMJERNICE ZA PODNOSIOCE PRIJAVA

U okviru poziva

potencijalnim korisnicima bespovratnih sredstava za mjeru podrške investicijama namijenjenih ubrzanoj digitalizaciji primarne poljoprivredne proizvodnje

MAJ 2023.

Implementiraju:



1. INFORMACIJE O JAVNOM POZIVU

1.1. Informacije o projektu

Projekat EU4BusinessRecovery ima za cilj smanjenje posljedica izazvanih pandemijom COVID-19 na poljoprivredna i turistička preduzeća, mikro, mala i srednja preduzeća (MMSP) u metalnom i drvnom sektoru, i sektoru tekstila, odjeće i obuće, te na preduzetnike i poljoprivrednike. Projekat osigurava kontinuitet poslovanja preduzeća, te osnivanje inovativnih start-upa, kako bi se sačuvala postojeća i osigurala nova radna mjesta i na taj način smanjile negativne socijalne posljedice poput nezaposlenosti, siromaštva ili migracija.

Uz finansijsku podršku Evropske unije (13 miliona eura) i Ministarstva za ekonomsku saradnju i razvoj Savezne Republike Njemačke (700 hiljada eura) projekat zajednički provode Deutsche Gesellschaft für Internationale Zusammenarbeit (GIZ) GmbH, Međunarodna organizacija rada (ILO) i Razvojni program Ujedinjenih nacija (UNDP). Projekat se implementira u periodu od 2021. do 2023. godine u Bosni i Hercegovini.

Opšti cilj projekta je osigurati opstanak mikro, malih i srednjih preduzeća (MMSP) u važnim privrednim sektorima Bosne i Hercegovine kako bi se smanjili negativni učinci izazvani pandemijom COVID-19. Projekat daje važan ekonomski i socijalni doprinos u područjima higijene i zaštite na radu, sigurnosti radnih mesta, inovacijama proizvoda i digitalizaciji.

EU4BusinessRecovery pruža tehničku i finansijsku podršku, te je ukupno dostupno 10 miliona eura podrške za MMSP, poljoprivrednike i preduzetnike, pri čemu je poseban fokus na podršci osnivanja novih preduzeća od strane nezaposlenih, žena i osoba koje pripadaju ranjivim grupama (npr. manjine). Očekuje se da će projekat EU4BusinessRecovery podržati najmanje 150 preduzeća da ponovo pokrenu svoje poslovne aktivnosti i zadrže više od 1000 radnih mesta. Također se očekuje podrška za stvaranje najmanje 100 inovativnih start-upa.

Ovaj javni poziv za potencijalne podnosioce prijava se isključivo odnosi na mjeru podrške investicijama namijenjenih ubrzanoj digitalizaciji primarne poljoprivredne proizvodnje

1.2. Mjera podrške investicijama namijenjenih ubrzanoj digitalizaciji primarne poljoprivredne proizvodnje

Uprkos migracijama, BIH je još uvijek zemlja sa više od 60% populacije koja živi u ruralnim područjima sa manjim prilikama za zapošljavanje. Pored toga, značajna ograničenja razvoja ovog sektora uključuju i zastarjelu tehnologiju, nedostatak ICT vještina, nepostojanje adekvatnih odgovora za ograničene resurse te nedovoljno razvijenu digitalnu komponentu poslovanja. Brzina ekonomskog oporavka privatnog sektora, pa između ostalih i sektora poljoprivrede, u mnogome zavisi od mogućnosti prilagođavanja novim izmijenjenim uslovima poslovanja i izmijenjenom poslovnom okruženju.

Implementiraju:

Kako bi brže postigli rezultate i osigurali povećanu otpornost sektora primarne poljoprivredne proizvodnje, Projekat EU4BusinessRecovery pripremio je mjeru podrške usmjerenu na investicije u digitalizaciju poslovnih procesa, očuvanje i modernizaciju lanaca opskrbe u sektoru poljoprivrede, čime se stvara osnova za ubrzani oporavak poljoprivrednih subjekata koji se suočavaju sa posljedicama negativnih tržišnih kretanja, te omogućava odgovor na sve kompleksnije zahtjeve tržišta.

Investicijama koje će se realizirati kroz ovu mjeru podrške, dodatno će se razviti ili unaprijediti korištenje digitalnih alata posebno se fokusirajući na njihov inovacijski potencijal usmjeren na postojeću zastarjelu tehnologiju i optimizaciju korištenja ograničenih resursa.

1.3. Zaštita podataka

UNDP osigurava zaštitu ličnih podataka odgovorno i u skladu s pravilima UNDP-a, najboljim praksama struke i tehničkim i finansijskim mogućostima, slijedeći načela zakonitosti, pravilnosti i transparentnosti. Svi podaci koje budu dostavili podnosioci prijava će se koristiti isključivo za potrebe UNDP-a i Projekata.

1.4. Ciljevi javnog poziva

Opšti cilj Projekta usmjeren je na osiguranje kontinuiteta poslovanja putem investicija usmjerenih na digitalizaciju poslovnih procesa, ulaganjima u nova i inovativna tehnološka rješenja.

Cilj ovog javnog poziva je unapređenje poslovanja poslovnih subjekata u sektoru primarne poljoprivredne proizvodnje kroz optimizaciju poslovnih aktivnosti, investicijom u alate i tehnologije koji doprinose ubrzanoj digitalizaciji preduzeća.

1.4. Očekivani rezultati javnog poziva

Kroz provedbu ovog javnog poziva se očekuju sljedeći rezultati:

- uvedene digitalizovane poslovne prakse i standardi usmjereni na jačanje internih kapaciteta poljoprivrednih proizvođača;
- oporavak/očuvanje poslovnih aktivnosti subjekata podržanih kroz mjeru podrške.

NAPOMENA: Svi projektni prijedlozi koji nisu u skladu sa ciljevima i očekivanim rezultatima javnog poziva neće biti razmatrani.

Implementiraju:

2. PRAVILA JAVNOG POZIVA

2.1. PRIHVATLJIVI PODNOSIOCI PRIJAVA

Prihvatljivi podnosioci prijava za dodjelu bespovratnih sredstava u okviru mjere podrške mogu biti

- **obrti/samostalni preduzetnici,**
- **zadruge i**
- **preduzeća**

koja se aktivno bave primarnom poljoprivrednom proizvodnjom u sektorima opisanim u dijelu 2.3.

Prihvatljivi poljoprivredni sektori, i koji su

- registrovani najkasnije do 31.03.2021. godine;
- su imali godišnji prihod u 2022. godini ne veći od 8 miliona KM i prihod povezanih lica/društva¹ u 2022. godini ne veći od 15 miliona KM,
- su upisani u registar poljoprivrednih gazdinstava / registar klijenata najkasnije 31.03.2021.,
- u vlasničkoj strukturi nemaju udio javnog kapitala ili glasačkih prava tog javnog kapitala.

Opći kriteriji prihvatljivosti podnosioca prijava

Pored toga, podnosioci prijava moraju ispunjavati i sljedeće opće kriterije prihvatljivosti;

- imaju sjedište na području BiH,
- pozitivno su poslovali u 2022. godini,
- nemaju dospjelih, a neizmirenih obaveza po osnovu poreza (direktni i indirektni porezi) i drugih davanja, uključujući i one prema uposlenicima, poreza na dobit i ostalih dospjelih, a neizmirenih obaveza,
- nisu u postupku predstečajne nagodbe ili likvidacije,
- nisu osuđivan za kazneno djelo vezano za svoje poslovanje na temelju pravosnažne presude,
- vlasnik i/ili odgovorno lice podnosioca prijave ne obnaša javnu funkciju,
- planirana investicija se odnosi na **samo jedan** od prihvatljivih sektora za podršku² (u skladu sa poglavljem 2.3. Prihvatljivi poljoprivredni sektori za podršku);

Posebni kriteriji prihvatljivosti podnosioca prijava

Posebni kriteriji definiraju fizičku veličinu gazdinstva na početku podnošenja prijave u smislu broja grla, površine zasada ili usjeva koje podnosioci prijave odnosno gazdinstva moraju ispuniti kako bi prijava bila razmatrana. Ispunjenošć ovih kriterija će se provjeriti na osnovu ažurirane registracije poljoprivrednog gazdinstva.

¹ Povezana lica su fizička i prava lica koja su međusobno povezana vlasništvom nad kapitalom ili upravljanjem kapitalom ili na drugi način povezana radi postizanja zajedničkih poslovnih ciljeva, tako da poslovanje i rezultati poslovanja jednog lica mogu značajno uticati na poslovanje, odnosno rezultate poslovanja drugog lica. Povezanim licima smatraju se i lica koja su međusobno povezana: 1) kao članovi porodice, 2) tako da jedno lice, odnosno lica koja se smatraju povezanim licima u skladu sa prethodno navedenim, zajedno, posredno ili neposredno, učestvuju u drugom licu/licima,

² Prihvatljivi su efekti koje investicija ima i u drugim prihvatljivim sektorima

Implementiraju:

Podnesena prijava će biti uzeta u obzir ukoliko se podnositelj prijave **na početku investicije** posjeduje:

Proizvodnja mlijeka

Proizvodnje kravljeg mlijeka u slobodnom ili pregonskom sistemu ili u zatvorenom sistemu podnositelj prijave mora imati minimalno 50 muznih grla.

Proizvodnje kozjeg i ovčijeg mlijeka:

- minimalno 100 mlječnih koza
- minimalno mlječnih 100 ovaca

Prihvatljiv dokaz za su ažurirane liste iz RPG-a koje se dostavljaju uz prijavni obrazac, pasoši, „žuta knjiga“, i markice za sve životinje koji se provjeravaju tokom terenske verifikacijske posjete.

Proizvodnja mesa

Proizvodnja telećeg/junećeg i pilećeg mesa:

- Minimalno 100 junadi;
- Minimalno 30 krava u sistemu krava-tele;
- Minimalno 20.000 brojlera po turnusu.

Proizvodnja drugih vrsta mesa

- Minimalno 50 ovaca ili ovnova, prednost se daje držanju autohtonih pasmina;
- Minimalno 100 svinja (tovljenika) ili 20 rasplodnih krmača, (uzgoj autohtonih pasmina će imati dodatne prednosti prilikom bodovanja kroz kvalitativne kriterije);

Prihvatljiv dokaz za gore navedeno su ažurirane liste iz RPG-a koje se dostavljaju uz prijavni obrazac, pasoši, „žuta knjiga“ i markice za sve životinje koji se provjeravaju tokom terenske verifikacijske posjete.

Uzgoj žitarica i uljarica:

- Od minimalno 50 hektara za žitarice i 10 hektara za uljarice

Prihvatljiv dokaz za gore navedeno su ažurirane liste iz RPG-a koje se dostavljaju uz prijavni obrazac.

Uzgoj voća, vinove loze i maslina:

- minimalno 0.5 hektara zasada jagodastog voća, ili
- minimalno 5 hektara zasada stablastog voća, ili
- minimalno 5 hektara vinograda, ili
- minimalno 1 hektara zasada maslina,

Implementiraju:

- ukoliko se podnositelj prijave bavi proizvodnjom voća u zaštićenom prostoru (uglavnom jagodasto voće), potrebno je da ima minimalno 1 ha zaštićenog prostora upisanog u RPG.

Prihvatljiv dokaz za gore navedeno su ažurirane liste iz RPGa koje se dostavljaju uz prijavni obrazac.

Uzgoj povrća:

- minimalno 1 hektar proizvodnje povrća na otvorenom polju, i/ili minimalno 0.5 hektara zaštićenog prostora upisanih u Registar poljoprivrednih gazdinstva, a koji se koristi za uzgoj povrća.

Prihvatljiv dokaz za gore navedeno su ažurirane liste iz RPGa koje se dostavljaju uz prijavni obrazac.

Proizvodnja sadnog materijala (sadnice voća, presadnice povrća i sjemenski krompir):

- minimalno 0,5 ha matičnih zasada voća i grožđa;
- minimalno 0,5 ha za rasad povrća u zaštićenom prostoru;
- minimalno 5 ha za sjemenski krompir;
- minimalno 0,5 ha za proizvodnju presadnica ljekovitog, aromatičnog i začinskog bilja u zaštićenom prostoru.

Pored ažurirane liste iz RPG-a koje se dostavljaju uz prijavni obrazac, potrebno je dostaviti upis u FITO registar u RS/registar certifikata i certificiranih proizvoda u FBiH najkasnije 31.11.2019. (isključivo za proizvođače sadnog materijala).

Uzgoj ljekovitog, aromatičnog i začinskog bilja

Podnesena prijava će biti uzeta u obzir ukoliko podnositelj prijave posjeduje **na početku** investicije

- minimalno 5 ha proizvodnje na otvorenom ili 1 ha u zaštićenom prostoru, a upisano u registar poljoprivrednih proizvođača

Prihvatljiv dokaz za gore navedeno su ažurirane liste iz RPGa koje se dostavljaju uz prijavni obrazac.

Proizvodnja jaja:

- minimalno 15000 koka nesilica.

Prihvatljiv dokaz za gore navedeno su ažurirane liste iz RPG-a koje se dostavljaju uz prijavni obrazac, kao i fakture o nabavci koka nesilica koje se stavlja na uvid tokom terenske verifikacijske posete.

Podnosioci prijave mogu podnijeti **samo jednu prijavu** na ovaj javni poziv. Podnosioci prijave mogu da podnesu prijave za **projekte definisane ovim javnim pozivom isključivo samostalno**. Prijave više podnositelaca u okviru jednog prijedloga neće biti uzete u obzir. **Podnosioci prijava su odgovorni za realizaciju projekta uključujući i finansijske obaveze.**

Implementiraju:

2.2. NEPRIHVATLJIVI PODNOSIOCI PRIJAVA

Projekti neće razmatrati ni odobriti podršku podnosiocima prijava za koje se utvrdi da:

- su kroz prijavu dostavili neistinite i netačne informacije i popratnu dokumentaciju;
- su u postupku predstečajne nagodbe ili likvidacije;
- nisu registrovani na području BiH;
- nisu ispunili obaveze plaćanja dospjelih poreza i doprinosa za penziono i zdravstveno osiguranje u skladu sa zakonskim odredbama (podnosioci prijave koji imaju sklopljen ugovor sa poreskim organima u BiH o servisiranju duga neće biti uzeti u razmatranje);
- nemaju izmirene sve obaveze prema svojim zaposlenicima po bilo kojoj osnovi;
- su osuđeni za kazneno djelo vezano za svoje poslovanje na temelju pravosnažne presude;
- u protekle 3 godine imaju neispunjene obaveze za dodijeljene poticajne mjere entitetskih ministarstava, odnosno relevantnih institucija Brčko Distrikta BiH (BD);
- ne ispunjavaju obaveze po postojećim ugovorima koje imaju u okviru projekata EU4AGRI i EU4AGRI-Recovery;
- su/bili korisnici bespovratnih sredstava po osnovu javnih poziva za mjere podrške investicijama namijenjenih primarnoj poljoprivrednoj proizvodnji/digitalnoj transformaciji preduzeća a u okviru projekata EU4AGRI, EU4AGRI-Recovery i EU4BusinessRecovery;
- imaju u vlasničkoj strukturi udio javnog kapitala ili glasačkih prava tog javnog kapitala;
- su ostvarili negativan poslovni rezultat u 2022. godini;
- su ostvarili godišnji prihod u 2022. godini veći od 8.000.000 KM;
- vlasnik i/ili odgovorno lice obnašaju javnu funkciju, ili su zaposleni u institucijama vlasti.

Dodatno, kod razmatranja podnositelaca prijava razmatrat će se prihvatljivost njihovih poslovnih praksi. Projekat neće odobriti podršku podnosiocima prijava za koje se utvrdi da:

- krše ili učestvuju u zloupotrebi ljudskih prava, uključujući prava manjinskih naroda;
- upotrebljavaju ili tolerišu prisilan ili nametnuti rad;
- upotrebljavaju ili tolerišu najgore oblike dječjeg rada;
- sudjeluju u proizvodnji, trgovini ili distribuciji:
 - **oružja i/ili municije** ili njihovih sastavnih dijelova te replike oružja koja se prodaju djeci;
 - **alkoholnih pića** (osim piva i vina);
 - **duhana ili duhanskih proizvoda**; i
 - **opreme i/ili organizovanja djelatnosti kockanja**, kockarnica, kladionica i sličnih poduhvata organizovanja igara na sreću;
- krše sankcije UN-a, relevantne konvencije, ugovore i rezolucije ili su na UN-ovim popisima o neprihvatljivosti;
- su uključeni u proizvodnju, prodaju i distribuciju pornografije;
- se bave nezakonitom proizvodnjom ili prodajom ili distribucijom bilo kojeg proizvoda, ili se bavi aktivnošću koja se smatra nezakonitom prema domaćim zakonima ili propisima ili prema međunarodnim konvencijama i sporazumima ili onima koji podlježe međunarodnom postepenom ukidanju ili zabrani;
- se bave aktivnostima koje su zabranjene domaćim zakonima ili međunarodnim konvencijama koje se odnose na zaštitu resursa biološke raznolikosti ili kulturne baštine;

Implementiraju:

- su izloženi kontroverzama i/ili drugim radnjama prije ili tokom provođenja javnog poziva i koje mogu imati negativan uticaj na reputaciju UNDP-a, Projekta, donatora ili institucionalnih partnera uključenih u provedbu projektnih aktivnosti.

2.3. PRIHVATLJIVI SEKTORI ZA PODRŠKU

Za podršku investicijama u svrhu unapređenja poslovanja putem **ubrzane digitalizacije primarne poljoprivredne i proizvodnje** prihvatljivi su svi projekti koji se odnose na primarnu poljoprivrednu:

- uzgoj voća, uključujući sadni materijal, vinogradarstvo, uzgoj maslina i ljekobilja;
- uzgoj povrća;
- proizvodnja mlijeka;
- proizvodnja mesa;
- proizvodnja jaja;
- uzgoj žitarica i uljarica.

2.4. PRIHVATLJIVE INVESTICIJE I TROŠKOVI

Podnositelj prijave će biti dužan pravdati trošak ukupnih prihvatljivih stavki predviđenih za realizaciju projekta, kako vlastitih tako i sredstava podrške kroz Projekat.

Da bi investicije i troškovi bili prihvatljivi potrebno je da budu:

- neophodni za implementaciju predloženog projekta;
- realni i predviđeni budžetom;
- opravdani, mjerljivi i u skladu poslovnim planom; i
- nastali nakon potpisivanja i tokom trajanja ugovora sa Projektom

Navedeno se odnosi kako na sredstva Projekta, tako i na sredstva osigurana od podnosioca prijave. Podnositelj prijave ranije uložena sredstva ne može prikazivati kao vlastiti udio u sufinsiranju.

Prihvatljive investicije i troškovi se odnose na **nabavku opreme, mašina, alata, komunikacijskih uređaja, hardvera i softvera za kontrolu, praćenje, upravljanje i nadzor proizvodnih procesa**, a kako je navedeno ispod.

Nabavka software-a
Troškovi nabavke softvera potrebnog za upotrebu opreme koja se nabavlja u skladu sa prihvatljivim investicijama u nabavku opreme u nastavku;
Software namjenjen pripremi, obradi i analizi podataka;
Troškovi za licence (trajne ili najam do godine dana).
Nabavka opreme
Uvođenje digitalnih alata i opreme za optimizaciju procesa proizvodnje (npr. digitalizacija proizvodnje: povezanost mašina/uređaja, skladišta, logistike i opreme, kibernetički sistemi, pametni uređaji s

Implementiraju:

mogućnošću razmjene informacija - kontrola i optimizacija proizvodnje u realnom vremenu - prikupljanje i analiza podataka iz različitih izvora i sl.)
Roboti za mužu (stacionarni/mobilni)
Smart izmuzište
GPS sistemi za nadzor i praćenje stoke (Cow Scout Systems)
Roboti za hranjenje stoke (Smart Automatic Feeders)
Sistemi za nadzor i automatizaciju sistema u plastenicima, Roboti za upotrebu u plastenicima /staklenicima
Digitalne mašine za čišćenje, sortiranje i gradiranje jaja
Robotski uredaji za uzimanje uzoraka i analizu zemljišta
Robotska kontrola korova (Weeding Robots)
Sistemi za pametno navodnjavanje i nadzor tankova
Sistemi za nadzor usjeva uz pomoć dronova
Pametni sistemi za fertigaciju / solarni sistemi za fertigaciju
Frost - guard sistemi
Roboti za žetvu/branje (harvesting robots)
Pametni skladišni sistemi
Ostali alati za preciznu poljoprivredu, oprema i uredaji potrebne vezane isključivo za investiciju (UPS, aktivna i pasivna mrežna oprema, mrežni ormar/rack, itd.) i koja će doprinijeti digitalizaciji procesa primarne poljoprivredne proizvodnje.

Napomena: Investicije obuhvaćene prijavom na ovaj javni poziv ne mogu biti predmet prijave na drugim javnim pozivima objavljenim u okviru projekata EU4AGRI/EU4AGRI-Recovery.

Dostavljeni projektni prijedlozi trebaju biti usmjereni na relevantne ulazne tačke digitalizacije u primarnoj poljoprivrednoj proizvodnji, kao što su povećanje proizvodnje i produktivnosti, poboljšanje pristupa tržištu, smanjenje operativnih troškova, bolja kontrola usjeva i unapređenje upravljanja gazdinstvom.

2.5. NEPRIHVATLJIVE INVESTICIJE I TROŠKOVI

Neprihvatljive investicije i troškovi se ne mogu finansirati kroz ovaj javni poziv niti kroz sopstvena sredstva podnosioca prijave i oni su:

- građevinski radovi;
- nabavka softvera ili hardvera koji nije dio projekta;
- izrada softvera od strane zaposlenika firme;
- hosting i domena duži od 1 godine;
- troškovi izrade printanih promotivnih materijala;
- kupovina opreme vezane za osnovnu djelatnost podnosioca prijave, koja ne doprinosi ciljevima javnog poziva i koja nije direktno vezana za realizaciju predloženog projekta;
- konsultantske usluge i ugovori o djelu sa fizičkim osobama.

Implementiraju:

Ostali neprihvatljivi troškovi:

- Nabavka opreme, mašina, alata, komunikacijskih uređaja, hardvera i softvera te ostalih roba (djelomična ili potpuna), kao i izgradnja objekata, izvršena na osnovu donacija i poklona ili podrške u okviru međunarodnih projekata, donacija, odnosno iz bespovratna sredstva bilo kojeg nivoa vlasti u BiH;
- Nabavka korištene opreme;
- Popravka postojeće opreme;
- Kupovina poljoprivrednog i građevinskog zemljišta i već postojećih zgrada i objekata;
- Izgradnja, kupovina, obnova, rekonstrukcija, modernizacija objekata;
- IT, komunikacijska i ostala oprema za redovno poslovanje koje nije povezano sa svrhom projekta;
- Međunarodna putovanja;
- Nabavka sirovina i poluproizvoda;
- Nabavka vozila svih kategorija;
- Amortizacija dugotrajne imovine;
- Porezi uključujući PDV, carinske, uvozne dažbine i ostale naknade državi te usluge špedicije;
- Bankarski troškovi, troškovi garancija i slični troškovi;
- Troškovi konverzije, troškovi kursnih razlika i naknada;
- Troškovi plata i naknada za zaposlene ili troškovi vlastitog rada;
- Kazne, finansijski penali i sudski troškovi;
- Troškovi iznajmljivanja zemljišta, opreme, mašina ili prostora;
- Troškovi kalibriranja/baždarenja mjernih uređaja;
- Troškovi analiza (npr. ostatak pesticida u plodu, fizičko-hemijske, mikrobiološke, ostatak metala, nutritivnih vrijednosti, itd.),
- Plaćanje u naturi i kompenzacija koja nije provedena preko poslovnog računa;
- Nabavka izvršena putem lizinga;
- Ostale investicije i troškovi nespomenuti kao prihvatljivi.

Napomena: Neprihvatljive investicije i troškovi se neće uzimati u obzir za finansiranje kroz ovaj javni poziv.

2.6. LISTA PRIHVATLJIVIH ZEMALJA PORIJEKLA KUPLJENE ROBE

Roba koja je predmet investicije mora biti porijekлом iz zemalja prihvatljivih za EU³, osim u slučaju da je vrijednost robe bez PDV-a ispod praga konkurentskega postupka od 100.000 EUR.

³Prihvatljive zemlje su: Austrija, Belgija, Bugarska, Češka Republika, Hrvatska, Kipar, Danska, Estonija, Finska, Francuska, Nemačka, Grčka, Mađarska, Irska, Italija, Letonija, Litvanija, Luksemburg, Malta, Holandija, Poljska, Portugal, Rumunija, Slovačka, Slovenija, Španija, Švedska, Velika Britanija, Albanija, Bosna i Hercegovina, Crna Gora, Srbija, Turska, Sjeverna Makedonija, Island, Lihtenštajn, Norveška, Alžir, Jermenija, Azerbejdžan, Belorusija, Egipat, Gruzija, Izrael, Jordan, Liban, Libija, Moldavija, Maroko, Sirija, Tunis, Ukrajina i Kosovo.

Implementiraju:

2.7. PRIHVATLJIVA GEOGRAFSKA REGIJA ZA PROJEKTE

U okviru ovog javnog poziva prihvatljive su prijave za projekte koji će se realizovati na teritoriji BiH.

2.8. ROKOVI ZA ZAVRŠETAK PREDLOŽENOG PROJEKTA

Sve aktivnosti nabavke i ugradnje opreme moraju biti završene u roku od 3 mjeseca od datuma potpisivanja ugovora. Sve planirane investicije čiji predviđeni rok završetka prelazi ovaj rok će se smatrati neprihvatljivim i biće odbijene.

3. VISINA FINANCIJSKE PODRŠKE

Ukupna raspoloživa sredstva za podršku investicijama u svrhu ubrzane digitalizacije primarne poljoprivredne proizvodnje iznose do **1.000.000,00 KM** po ovom javnom pozivu.

Projekat zadržava pravo da ne dodijeli sva raspoloživa sredstva u slučaju da kvalitet projektnih prijedloga ne ispuni očekivanja i definisane kriterije, ili da odluči dodjeliti više sredstava ukoliko kvalitet dostavljenih prijava premaši očekivani broj.

3.1. Visina pojedinačnih iznosa za finansiranje i udio sufinsiranja korisnika

Sredstva podrške po jednoj prijavi mogu iznositi **od 15.000 KM do 300.000 KM i mogu se koristiti samo za financiranje prihvatljivih troškova (bez PDV-a)**. Za svaki projekt podnositelj prijave mora osigurati vlastito sufinsiranje u iznosu od minimalno **25% ukupnog iznosa** prihvatljivih troškova predložene investicije (**25% sufinsiranje podnosioca prijave i 75% finansiranje kroz mjeru podrške**).

Sufinsiranje mora biti novčano te se učešće neke druge vrste neće uzimati u obzir.

Nakon odobrenja projekata, budući korisnici će imati mogućnost da izaberu između dva načina isplate odobrenih sredstava i to:

1. avansna isplata i
2. refundiranje troškova.

Ukoliko odabrani korisnici odaberu način avansne isplate **moraju dostaviti bankovnu garanciju** na ukupan traženi iznos finansiranja od strane Projekta kroz mjeru podrške. Bankovna garancija se treba izdati na period trajanja Ugovora i dodatni 1 mjesec, a treba uključiti traženi iznos finansiranja od strane Projekta i iznos PDV-a (na iznos odobrene financijske podrške).

Ako je iznos finansijske podrške 100 000,00 KM, podnositelj prijave je obavezan osigurati bankovnu garanciju na iznos od 117 000,00 KM (iznos odobrene finansijske podrške + PDV).

Implementiraju:

Ukoliko odabrani korisnici odaberu način isplate sredstava putem refundiranja troškova, Projekat će odobrene i ugovorene iznose podrške isplatiti nakon završetka provođenja svih projektnih aktivnosti i dostavljanja dokaza o ispunjenju svih ugovornih obaveza, a koje su sastavni dio ugovora o finansiranju. Troškovi izdavanja bankovnih garancija se smatraju neprihvatljivim troškovima u okviru ovog javnog poziva. Projekti će dostaviti primjer teksta bankovne garancije svim korisnicima koji budu odabrani za podršku i koji odaberu avansno plaćanje kao način isplate mjere podrške.

U slučaju da korisnik po implementaciji projekta **ne ostvari planiranu razinu pokazatelja** navedenih u podnesenoj prijavi i Ugovoru o podršci, Projekat ima pravo **zatražiti od korisnika da izvrši povrat ukupnih (ili dijela) uplaćenih novčanih sredstava**.

4. NAČIN OCJENE PODNESENIH PRIJAVA

Zainteresovani podnosioci prijavu podnose putem Prijavnog obrasca u prilogu Smjernica, zajedno sa traženom dokumentacijom.

Komisija za ocjenu, sastavljena od imenovanih predstavnika UNDP-a, predstavnika partnerskih institucija (članovi Sektorske radne grupe za poljoprivredu i ruralni razvoj u okviru Projekta EU4BusinessRecovery), ocjeniče pristigle prijave u skladu sa tabelom za ocjenu koja je data u nastavku. Zaprimljene prijave za mjeru podrške investicijama u svrhu ubrzane digitalizacije primarne poljoprivredne proizvodnje će se ocjenjivati po osnovu dostavljenog prijavnog obrasca.

Minimalni broj bodova koji podnositelj prijave treba imati kako bi njegov prijedlog investicije bio pozitivno ocjenjena je **35**. Prilikom procesa evaluacije, Komisija će administrativno provjeriti prihvatljivost podnosioca prijave, aktivnosti, vrstu investicije i troškove, te osnovne kriterije i zahtjeve koje podnesene prijave moraju zadovoljiti za eventualno sufinsansiranje. Ukoliko prilikom bodovanja podnositelj prijave bude ocijenjen dovoljnim brojem bodova, izvršiće se verifikacijska posjeta, nakon čega će se donijeti konačna odluka o statusu prijave na ovaj Javni poziv.

Komisija za odabir će nakon ocjenjivanja pristiglih prijava napraviti preliminarnu listu odabranih projekata koja će biti objavljena na web stranici www.ba.undp.org.

Na rezultate preliminarne liste podnosioci prijava mogu uložiti prigovor, uz odgovarajući dokaz, u roku od 7 dana od dana objave preliminarne liste. Prigovori se dostavljaju isključivo putem online sistema. Prigovori koji se dostave na bilo koji drugi način (poštom u zatvorenoj koverti, emailom i sl.) neće se uzeti u obzir.

Konačna lista odabranih korisnika će također biti objavljena na web stranicama www.ba.undp.org. Na konačnu listu odabranih korisnika neće biti moguće uložiti prigovor.

Implementiraju:

	BR BOD.
1. Relevantnost	20
1.1. Prijedlog investicije je relevantan za potrebe i ograničenja ciljanog sektora (a koja između ostalog uključuju sljedeće izazove: nedostatak radne snage, pristup tržištu, zastarjele tehnologije, konkurentnost, te razvoj novih i unapređenje postojećih proizvoda?)	(10)
1.2. Prijedlog investicije je relevantan za ciljeve javnog poziva?	(5)
1.3. Potrebe, ciljevi, aktivnosti i rezultati su definisani i predstavljeni jasno, logično i praktično?	(5)
2. Opravdanost	15
2.1. Realizacija investicije predviđa očuvanje/jačanje postojećih proizvodnih kapaciteta i optimizaciju resursa podnosioca prijave (kao što je povećanje proizvodnje i produktivnosti, poboljšanje pristupa tržištu, smanjenje operativnih troškova, bolja kontrola usjeva i unapređenje upravljanja gazdinstvom).	(5)
2.2. Kroz investiciju će se dodatno razviti ili unaprijediti korištenje postojeće tehnologije, digitalnih alata, kao i druge opreme sa ciljem kontrole, praćenja, upravljanja i nadzora nad proizvodnim procesima	(5)
2.3. Investicija predstavlja značajan stepen inovacije u odnosu na postojeće prakse podnosioca prijave	(5)
3. Budžet	10
3.1. Budžet je realističan, efikasan i prilagođen ciljevima projekta	(10)
4. Operativni i finansijski kapacitet	15
4.1. Podnositelj prijave posjeduje tehničke kapacitete potrebne za realizaciju predložene investicije?	(5)
4.2. Podnositelj prijave posjeduje ljudske kapacitete potrebne za realizaciju predložene investicije?	(5)
4.4. Podnositelj prijave ima adekvatne finansijske kapacitete za realizaciju predložene investicije?	(5)
UKUPNO BODOVA	60

Implementiraju:

5. NAČIN PODNOŠENJA PRIJAVE

Prijave za podršku trebaju biti dostavljene u formi koju propisuje ovaj poziv, uključujući sve tražene priloge i dokumentaciju. Prijave se podnose na jednom od službenih jezika Bosne i Hercegovine.

5.1. Potrebna dokumentacija

Obavezna dokumentacija koju trebaju dostaviti podnosioci prijava je:

1. Ispravno popunjeno Prijavni obrazac (Prilog 1);
2. Ispravno popunjeno Budžet projekta (Prilog 2);
3. Potpisana izjava da podnositelj prijave posluje u skladu sa UN globalnim principima (Prilog 3);
4. Registracija podnosioca prijave (prva registracija i aktuelni izvod iz sudskog registra)/ažurirana potvrda o upisu u RPG ili APIF-a za 2022. godinu;
5. Finansijski izvještaji za 2022. godinu, potpisani i ovjereni od strane ovlaštenog računovođe;
6. Poreska uvjerenja o izmirenim poreskim obavezama (direktni i indirektni porezi) ne starija od 30 dana od dana objave ovog javnog poziva. Ukoliko podnositelj prijave nije u PDV sistemu, obavezan je dostaviti potvrdu od nadležne uprave za indirektno oporezivanje da nije upisan u Jedinstveni registar obveznika indirektnih poreza. Potvrda ne može biti starija od 30 dana od dana objave ovog javnog poziva;
7. Potpisana izjava vlasnika/odgovornog lica da podnositelj prijave nije u postupku predstečajne nagodbe ili likvidacije⁴;
8. Potpisana izjava da vlasnik/odgovorno lice podnosioca prijave nije osuđivan za kazneno djelo vezano za svoje poslovanje na temelju pravosnažne presude;
9. Potpisana izjava da vlasnik i odgovorno lice podnosioca prijave ne obnaša javnu funkciju.

Podnositelj prijave uz prijavu prilaže i tri ponude za svaku stavku koja je predmet investicionog ulaganja. Ponuda treba minimalno da sadrži:

- naziv, sjedište i matični broj dobavljača;
- podaci o proizvođaču (link ili katalog);
- referentna lista dobavljača;
- tehničko - tehnološke karakteristike za robu, radove i usluge koji čine predmet investicije, pri čemu svaka stavka u ponudi mora da sadrži: jedinicu mjere, količinu, jediničnu cijenu i ukupnu cijenu stavke, kao i ukupnu cijenu ponude uključujući posebno iskazanu neto cijenu i iznos PDV-a izražen u KM, odnosno u EUR za strane dobavljače, kao i da sadrži podatke o osnovnom modelu i dodatnoj opremi ukoliko postoji;
- rok važenja ponude;
- broj, datum i mjesto izdavanja ponude;
- ovjeru dobavljača;
- rok isporuke robe ili radova.

⁴ Ukoliko bude potrebno, UNDP zadržava pravo prije potpisivanja ugovora zatražiti dokaze da se korisnik mjere podrške ne nalazi u navedenoj situaciji.

Implementiraju:

5.2. Način dostavljanja prijave

Svi zainteresovani za učešće u javnom pozivu prijavu projekta sa potrebnom dokumentacijom trebaju dostaviti putem online platforme <https://javnipoziv.undp.ba> do **16.06.2023 do 15:00h.**

Instrukcije za korištenje online platforme možete pronaći na: <https://javnipoziv.undp.ba>

Svaki dokument koji se dostavlja mora biti spašen kao poseban elektronski dokument u pdf ili word formatu, pod odgovarajućim nazivom koji se navodi (npr. Prilog 1). Ukoliko dokument sadrži više stranica, potrebno je da bude skeniran kao jedan dokument.

Komisija za odabir će nakon ocjenjivanja pristiglih prijava napraviti listu odabranih projekata koja će biti objavljena na web stranici Projekta.

5.3. Dodatne informacije

Dodatna pitanja u vezi ovog poziva se mogu dostaviti putem platforme <https://javnipoziv.undp.ba> u periodu od **15.05.2023. do 02.06.2023.** godine. Na sve upite koji stignu prije i poslije navedenog roka neće se odgovarati. Prije postavljanja pitanja zainteresovani podnosioci prijava trebaju pažljivo pročitati dokument Smjernice za podnosioce prijava i postojeća pitanja i odgovore vezane za ovaj javni poziv. Projekat neće odgovarati na već odgovorenata pitanja.

Pored toga, Projekat EU4BusinessRecovery zadržava pravo da ne ponudi odgovor na generalna, nepotpuna i/ili neprecizna pitanja, te na pitanja koja se odnose na tehničku pomoć i/ili savjetovanje vezano za pripremu koncepta projektnog prijedloga ili prijave.

Projekat EU4BusinessRecovery će organizirati info sesije za sve zainteresirane/potencijalne podnosioce prijava da bi se detaljno objasnila pravila javnog poziva i odgovorilo na pitanja u vezi sa smjernicama i kriterijima. O tačnim terminima info sesija potencijalni podnosioci prijave će biti obavješteni putem web stranica na kojima je objavljen ovaj javni poziv. Tokom info sesija potencijalni podnosioci prijave će imati priliku postavljati pitanja o javnom pozivu.

6. ODLUKA O DODJELI SREDSTAVA I POTPISIVANJE UGOVORA

Nakon odluke o dodjeli sredstava po osnovu ovog javnog poziva, odabranim korisnicima će se na potpis dostaviti ugovor o dodjeli sredstava, u skladu sa UNDP-ovim pravilima, u kojem će se definisati obaveze, te rokovi realizacije samog projekta. UNDP će se obavezati da isplati sredstva u skladu s odabranim projektnim prijedlozima i ugovorom, dok će se korisnici obavezati da će u potpunosti realizirati projektne prijedloge koji su ocenjivane tokom evaluacije.

Novčana sredstva koja će biti isplaćena odabranim korisnicima će biti uslovljena realizacijom predstavljenih projekata i obaveza, koji će biti predmet detaljnog praćenja i kontrole. Nepotpuna realizacija i odstupanja od ugovornih obaveza može rezultirati potpunim ili djelomičnim povlačenjem novčanih sredstava od strane UNDP-a.

Implementiraju:



Korisnici su obavezni da dostavljaju izvještaje Projektu na godišnjem nivou do kraja 2023. godine, kako bi se omogućilo praćenje (monitoring) razvojnih efekata u sektoru poljoprivrede. U slučaju odstupanja ili nepoštivanja odredbi mjere podrške, UNDP će pokrenuti postupak za povrat sredstava.

PRILOZI

Prilog 1. Prijavni obrazac;

Prilog 2. Budžet projekta;

Prilog 3: Izjava o poslovanju u skladu sa UN global compact.

ⁱ Pod primarnom poljoprivrednom proizvodnjom podrazumijevamo proizvodnju biljaka i životinja koja kao rezultat ima gotovi prehrambeni proizvod ili sirovinu za proizvodnju prerađenih prehrambenih proizvoda, uključujući njihovo skladištenje i pakovanje pri čemu ne dolazi do promjene fizičkih, hemijskih ili bioloških karakteristika tih proizvoda

Implementiraju:

